

جَزَائِرِ حَاكِمِ

نومرو ۱۹ رجب ۲ سنه ۱۲۹۰ بازار ايرتسى * اغستوس رومى ۱۳ سنه ۱۲۹ صحيفه ۲۳۳

اشبون غزته بهر هفتة بازار ايرتسى كونلى چيقار . سنه لى بر عثمانلى يوزلك التوننه و بهر نسخه سى
شه ديك ايكيشر غروشه اوله رق هر يرده صايلور . سنه لى كنه مشترى اولق استيانلر
مكتب صنايع مدير لى كنه مراجعت ايتليدر

تميز حقوق دأره سندن ويريلان اعلام
صورتك مابعدى

اعطا ايلدكلى قومپر مسو سندنى موجبجه انتخاب
ايلدكلى حكملره حواله اولنه رق حكملر دخى
محاسبه نى بالرؤيه بر قطعه راپورت ويرمش
اولدقلى حالده بونلردن ابراهيم افندى راپورته
اعتراض ايله كيفيتك يكدن رؤينى استدعا ايتتى
اوزرينه طولجى مجلس تميزى اصول محاكمه
تجارت نظامنامه سنك قر قجى ماده سى حكمنه
استناداً كيفيتى تكرار بالرؤيه راپورتى فسخ ايله
قابل استيناف اولق اوزره بر قطعه مضبطه ويرهش
وحالبو كه ذكر اولنان ماده نظاميه صورت
آخرله تشكىل ايند قومپر سونلر حقننه اولوب
بومثللو قومپر مسو اعطا وحكم انتخابيله رؤيت
اولنان دعواه شمولى كوريله مامش اولمىله مجلس
مزبورك اعطا ايلدىكى مضبطه كآن لم يكن
حكمنده طوتيله رق راپورتك حكى اجرا اولمق
لازم كلور ايسه ده مرقوم ابراهيم افندى كندوسنك
اولوجهله قومپر مسو سندنى اعطاسيله حكم انتخابه

موافقت ايتتى ايلروده قومپر سونك قرارى قبول
ايتدىكى حالده استيناف دعوى ايله بيله جكنه
دأر خرسوه نأبى سابق عثمان نورى افنديدن
المش اولديغى مختوم ورقهيه مستند اولديغى
بيان ايله استيناف ادعا سنده اصرار ايتلىش ومذكور
ورقه لى المطالعه نائب مومى اليهك مرقوم
ابراهيم افندى نى اولوجهله تأمين واغفال ايلدىكى
اكلاش لىغى مثللو راپورتك حكمله مجلس مذكورك
قرارى يكدىكرينه ميان اولوب ايشك اساسنه
قومپر سونجه دخى فساد قارشى اولديغندن
ونائب مومى اليهك ورقه مزكوره نى اعطا
ايديشنك اسباب موجب سى تحقيق اولمق اوزره
طونه به اعزامى مقام سامى مشخطناهى به اشعار
اولمىش ايسه ده هنوز ورود ايتدىكندن بجمله
بويابده وجهله معامله اولمق لازم كله چكى استفسارى
مييندر

مبحوث عنه اولان قومپر مسو سندنك صورت
مصدق سى اوراق منفرد موقوفه اراسنده
بولمق لى المطالعه ملى انتخاب اولنان ذاونك

رؤیت محاسبه حقنده و بره جکری حکم و قراره
طرفیندن اعتراض اولمیه جغنی مین ایدوکی
کورلدکن صکره کیفیت دائره جه ایدی التذکر
بومثللو حکمر طرفندن ویریله جک قرارنامه عادتاً
بدایت محکمه سندن ویرایش اعلام نظریله باقیله
بلك ایچون قومر مسو سندنیک اول تئجه بی منتج
اوله جق صورتده تنظیم ایدلش یعنی تعیین
اولان میرزه منازعه واقعیه حکم صفتیه رؤیت
ایده جکریته دائر ماذونیت ویرلدیکنک درون
سندده صراحة مندرج بولمسی اقتضایده جکی
اصول محاکمه نظامنامه سنک اوتوز طقوزنجی
ماده سنده و حکمر طرفندن حکم و اعلام اصدار ایچون
ویریله جک مهلك حکمرلک نصبی عقیننده
طرفین معارضین جانندن تین اولمسی لازم
کله جکی دخی قانوننامه تجارتک قرقجی ماده سنده
و میرز یعنی حکمر معرفتیه رؤیت اولان دعوانک
بدایت محکمه سنه نقلی و یا خود حکم و اعلام لریک
الفا وعدم اجراسنک استدعای کیفیتلریته تشبث
اولنامه ق اوزره طرفین معارضین جانندن پشیمجه
مشروط اولمیش ایسه اول دعوانک بر محکمه
نقلی حاز اوله جغنی دخی قانون مذکورک قرق
یرنجی ماده سنده مصرح اولدینی کبی اولوجهله
حکم تعیینله قومر مسو سندن بی امضا ایده جک
اصحاب مصالح حکمر طرفندن ویریله جک
قراری تمامیه قبول ایدب استیناف دعوی
ایتمیه جکرنی درون سنده درج ایله بوبایده اولان
حقارندن فارغ اولدقربی صراحة بیان ایتمکجه
حکمر طرفندن ویریله جک قراره قانع اولوب
قانوناً استیناف و تمیز دعوی ایتمک صلاحیتلری
اوله جغنی دخی طرفینک رضاسیله استینافاً رؤیت
دعوی ایدن بدایت محکمه لری حقنده اولان زیل
قانون تجارتک اوتور التئجی ماده سنک فقره
ثانیه سی دخی مؤید بولمیدغه و شرکاء مرقومه نک

احکامی خارجدن بر شخص ثالث وره جکی
سند تغییر ایده من ورقه مجبوره عنهاک بودعواده
حکمی اوله میه جغنی جهته نائب مومی الهک دخی
احضارندن صرف نظر ایدلسی اقتضایده جکک
جواباً ولایت مشار الیه اشعاریه برابر نائب
مومی الیه حقنده مقام سانی فتواپناهی به دخی
معلومات ویرلسی خصوصاً رینه قرار ویرلدی
اولایده امر و فرمان

تعمیماً یازیلان تذکره سامیه صورتیدر
دولت علیه تبعه سیله ایران دولتی تبعه سی بینه
متوالیاً و متنوعاً ظهوره کلمکده اولان اختلافات
و مشکلاتک برطرف ایدلسی مقصد خیر مرصینه
مبنی جنایاته متعلق دعواز الیه حقوق شخصیه
و عایدده و سایر ایشلرده دولتیکن یکدیگری ممالکده
بولمیدجی تبعه سی حقارنده کندی تبعه لری مثللو
معامله اولمسی خصوصی بالمله دوار و ولایه
یلدیرلش و بوندن مقصد تبعه ایرانیه الیه دولت
علیه تبعه سی بینه تکیون ایده جک هر درلو
دعورده و برده حکومت علیهنه وقوعبولان
جرائمک مجازاتی دولته عائد اولدینی کبی شخص
علیه سنده واقع اولان جرائمک آسایش مملکتی
اخلال ایدلسی جهتیده کذلک دولته عائد اولق
حسبیه ضابطیه متعلق موادک دخی جمله سنده
تبعه ایرانیه نک بلا واسطه محاکم و مأمورین دولت
علیه تبعه تابع اولملری لازم کلدیکنی بیاندن عبارت
بولمش ایسه ده ممالک محروسه ده بولنان ایران
دولتی شهنشدر و مأمورلری حقنده احکام عهدیه
ایجابجه اوله جق معامله نک تبعه ایرانیه نک
اجنابلک صفتیه تعلق ایدن بعض خصوصاً نک
دخی قید اشتباهدن و ارسته اولق و نقصانی
ایضاحات و معلومات کافیده دن ناشی حکومت
سینه نک انزله اولان معاملاتجه ظهوره کلمش

اولان بعض کونه یا کاشلقلرک تکرر و دوامنه محل
قائمق اوزره اشیو قرارک تبلیغی حاوی مقام
شاویریدن یازیلان تحریرات احکامی تشریحاً
و تفسیراً قله النان تعلیمات مفصله لفا ارسال
سوی والاری قلمش و دوار دولته بوبایده اتخاذ
ایده جکی معاملات و حرکاتی بر مجرای راست
و مستقیمه تابع ایدرک هر درلو سهو و خطا وقوعک
وبناء علیه کونا کون صداع و مشکلاتک اوکی
التمی ایچون تعلیمات مذکورده مندرجانندن
بعضیلرک دخی بوجه زر بر مرتبه دهها توضیح
و تفسیرینه مبادرت اولمشدر شویله که قباحث
و جنحه و جنایات الیه هر درلو منازعه و تجارت
و علی الاطلاق مواد حقوقیه دائر ایرانیه الیه
تبعه دولت علیه بینه دعوی ظهورنده مدعی
ایرانیه ایسه بلا واسطه طوغریدن طوغری به
حکومت و مجالس و ضابطه محلیه مراجعت
ایده جکی و دعواسنک محکم محلیه ده حین رؤیتده
ایران شهنشدر و وکیل و بارجانی توسط ایتیه جکی
و مدعی اولان تبعه دولت علیه دن ایسه مدعی
علیه اولان ایرانلو عینیه دولت علیه تبعه سی کبی
طوغریدن طوغری به مأمورین و ضابطه محلیه
معرفتیه تحری و تعقیب و احضار و توقیف اولوب
امر محاکمه شهنشدر خاننک قطعاً مداخله سی
قبول اولمیه جغنی مثللو ایرانلو علیهنده شرع
شریفه و قانون و نظام دولته تطبیماً محاکم محلیه
مرفندن لاحق اوله جق حکم و ویریله جک اعلام
ینه طوغریدن طوغری به مأمورین محلیه معرفتیه
و لاحق اولان حکم جزایی متضمن ایسه مجازاتک
هر بر درجه سی کذلک حکومت علیه معرفتیه
اجرا اولنهرق بنده دخی قطعاً شهنشدر خاننک
توسط و مداخله سی قبول اولمیه جغنی و برده دوله
و فعلاً فساد و قطع طریق و قتل نفوس کبی
آسایش مملکتی اخلال ایدن فصایح و جرائمک

وحکومت علیهنه وقوعبولان بالجه جنسایاتک
 وضابطه مملکتیه وامور بلدیهیه متعلق نظامات
 ونظیهاته مغایر احوال وحرکاتک مجازاتی حکومت
 محلیهیه عائد اولدیغندن بومثالو مواددن طولای
 متهم اولان تبعه ایرانیه کذلک عینیه دولت علیه
 تبعهسی مثللو بلا واسطه محاکم محلیه وقوانین
 ونظامات سلطنت سنییهیه تابع اوله رق مأمورین
 طرفلرندن حقارنده تمامیه دولت علیه تبعهسی
 کبی معامله ایدیه جکی وایران شهیندر وشهیندر
 وکیللرینک سائر قونسولسارکبی تبعه دولت علیه دن
 امتیازی ترجان وقواص استخدام ایتملرینه مساعد
 اولنوب شوقدر که ذکر اولنان ترجان وقواصلرک
 بالذات ایفای خدمت ایتملری مشروط اولغله بومثالو
 مستخدم اولان ترجان قواصلر حقنده سائر دولتر
 قونسولساری معینده بولنان خدمه متمسکه مثللو
 معامله اولنه جق وقطع علی الدوام شهیندر خانه
 خدمتده استخدام اولنوب بشفقه صنعتله مشغول
 اولان ترجان وقواصلرک امتیازی طائیه جکی
 ومأمورین ومحاکم محلیه دن شهیندرلری واسطه سیه
 شکایت ایدن ایرانلرک شکواری یالکز باب عالییه
 وولاة عظامه تبلیغ ایدیلوب بوتلیغه بالذات
 سفارت وطشهرزده شهیندر وشهیندر وکیللری
 طرفندن کرک شفاهاً وکرک تحریراً وقوعبولق
 لازم کله جکی وتبلیغات واقعه امور مهمه ومواد
 جسیهیه متعلق ایسه اولیاده حکومتجه اجرا
 اولنه جق تحقیقاتک واتخاذ اولنه جق یدایرک
 نتیجه سندن سفارت وشهیندرلره معلومات اعطا
 اولنه جکی ودول اجنیه ایلر ایرانلور یکننده تجارت
 دایر تحث ایدن دعوالر محلی تجارت محکمه زده
 رؤیت اولندیغی حالده ایران شهیندر وایترجانتک
 مجلسده حاضر بولنمنه ممانعت اولنوب فقط
 [بومثالو نزدعواده دولت علیه تبعه سندن برینک
 مدخلی بولنه جق اولور ایسه ترجان قبول

فی ۱۹ جمادی الاخر سنه ۹۰ و فی ۳۱ تموز سنه ۸۹

دولت علیه ایلر ایران دولتی یکننده منعقد اولان
 معاهدات احکامی تأییداً وکچنرده شرف افزای
 سنوخ اولان اراده سنییه حضرت پادشاهی
 موجبجه دوائر عالییه وولایاته تصدیق بیوریلان
 تحریرات سامیه احکام منیفه سنی تفسیراً قلمه
 النان تعلیماتدر
 دولت علیه تبعه سیه دولت ایرانیه تبعه سی یکننده
 متوالیاً ومتنوعاً ظهوره کلمه اولان اختلافات
 ومشکلاتک برطرف ایدلسی مقصد خیر مرصديه
 مبنی جنایاته متعلق دعوالر ایلر حقوق شخصیه
 وعادیه وسائر ایشلرده دولتیکن یکدیگری
 ممالککنده بولنه جق تبعه سی حقارنده کندوتبعه زری
 مثللو معامله اولنمی خصوصی بالجه دوائر وولایاته
 یلدرلرک وبولندن مقصد تبعه ایرانیه ایلر دولت
 علیه تبعه سی یکننده تگون ایده جک هر درلو
 دعوازده وبرده حکومت علیهنه وقوعبولان
 جرایمک مجازاتی دولته عائد اولدیغی کی بر شخص
 علیه سنده واقع اولان جرایمک اسایش مملکتی
 اخلاص ایلمی جمعیته کذلک دولته عائد اولق
 حسیله ضابطیهیه متعلق موادک دخی جله سنده
 تبعه ایرانیه نک بلا واسطه محاکم ومأمورین دولت
 علیهیه تابع اولملری لارم کلدیکنی بیاندن عبارت
 بولنمش ایسه ده ممالک محروسه ده بولنان ایران
 دولتی شهیندر مأمورلری حقارنده احکام
 عهدیه ایجابجه اولنه جق معامله نک وتبعه ایرانیه نک
 اجنبیلک صفتیه تعلق ایدن بعض خصوصاتک
 دخی قید اشتباهدن وارسته اولق اوزره بوجه
 آتی ایضاح تفصیلنه ایتدار اولنور
 اولاً ممالک محروسه عثمانیه ده بولنوب صفت
 مأموریلری بروت واوامر علیه ایلر تصدیق
 اولنمش واولنه جق اولان ایران دولتی شهیندرلری
 وشهیندر وکیللری سائر دول متحابه قونسولوس
 وقونسولوس وکیللرینک نائل اولدقلری امتیازات

ومعافیات ومساعداته نائل اوله جقلردر
 ثانیاً ذکر اولنان ایران شهیندر وشهیندر وکیللری
 تبعه ایرانیه دن برأ وبحراً ممالک محروسهیه آمد
 وشد ایدنلرک منافع تجارت وحایتلرینی استحصال
 مأمور اولدقلرندن لدی الايجاب انلرک استحصال
 اسباب امنیت ومنفعتلرینی حکومت محلیهیه
 مراجعتله توصیه ایتکده وتبعه ایرانیه طرفندن
 دولت علیه مأمور وضابطانی حقنده بحق شکایت
 وقوعنده احقاق حق صمننده شکایات واقعه نک
 تصدیق ماده ایلر باب عالییه وولایات ولاة
 عظامه شفاهاً وتحریراً افادهیه وبوبایده ویریلرک
 عرضحاللرک دخی حکومتیه تبلیغه وتبعه زندن
 وفات ایدنلرک متروکات مخلفاتنه وضع یدایله
 تحریرینه وترکیه متعلق کافیه معاملاتک کندو
 معرفتلیله اجراسنه وتبعه زندن مملکتلرینه
 اعاده سنه لزوم کوردکلری اشخاصی کذلک کندو
 معرفتلیله واستدکلری حالده حکومت محلیه
 واسطه ومعاونتیه کوندرمکه صلا حیلری
 اوله جقدر
 ثالثاً مأموریت رسمیه ده بولنوب ممالک محروسهیه
 آمد وشد ایدن ویاخود ممالک محروسه ده سیاحت
 ایلان تبعه ایرانیه نک تبعه اجنیه سائر حقنده
 مرعی الاجرا اولان پساپورت ومرور تذکره سنه
 وقرائننه نظاماتنه تابع اولملریه بولندن طولای
 اجنبیلک صفتلرینه برکونه خلل کلیه جقدر
 رابعاً ممالک محروسه ده اقامت ایدن ایرانلور
 نظام مخصوصنه توفیقاً تابعیت دولت علیهیه
 قبول اولنمدقچه اجنی صفتنده بولنه جقلرندن
 خدمات ویدلات عسکریه مثللو تبعه دولت علیهیه
 مخصوص ومنحصر اولان خدمات وتکالیفندن
 مستثنا اوله جقدر
 خامساً ممالک محروسه ده اقامت ایدن تبعه
 ایرانیه دولت علیه تبعه سی مثللو حرف وص نام

اجرا ايتك واصنافلق صفتنه كيرمك ايستز ايسه
على العموم اصناف حقنه مرعى الاجرا اولان
كافة نظامات وقوانين مستفيد اوله جقلندن
اصنافلق وحرقت وصناعت اجرا ايتكجه تبعه
دولت عليه مثللو ذكر اولنان نظامات وقوانين
واصوله نابع وبوجهتله تبعه دولت عليهك مكلف
اولدقلى رسوماتى تاديهه مجبور اوله جق واصنافلغه
متعلق خصوصيات ومعاملاتده طوغريدن طوغرى به
محاكم ومجالس ومأمورين دولت عليه عندده
مسؤل بولنه جقلر و بناء عليه طوغريدن طوغرى به
محاكم ومجالس ومأمورين محليهه مراجعت
ايدجكدر

سادساً تبعه ايرانيهك تسوية امور افلاسيه لى
دولت عليه محاكمه عائد اوله جق ايسه ده ايرانو
مفلسك دفاترى بعد التحقيق تبعه دولت عليه دن
هيج بر كيمسيه تعلق اولديغى تبين ايدر ايسه
ايرانو مفلسك تسوية امورى كندو شهنديريه
رك اولنه جقدر

سابعاً ولاية تجارت محكمه نزنده حكومت طرفندن
طوغريدن طوغرى به انتخاب وتعيين اولنان
اعضاي دئمه دن ماعدا موقت صورتيله تجار
ومعتبران دخی اعضاي منتخبه بولندبرلسى
اصول موضوعه اقتضاسندن اولغله ذكر اولنان
محاكم ايجون محللرنده اعضاي موقته انتخابى
صره سنده اعضالى صفتى حائز اوييله جك
ذوات بولنور ايسه انلردن دخی بر نفر اعضا
انتخاب وتعيينه مساعده اولنه جق واشبو ايرانو
اعضالك انتخاب وتعيينى تجار ايرانيه يله حكومت
محليه بينده قراراشديريله جقدر و ذكر اولنان
ايرانو اعضا ديكر اعضاي موقتهك مظهر
اولدقلى معاملاتدن استثنا اولنه جقدر در سعادت
محكمه تجارتنده دخی حكومت معرفتيله وبالكر
تجار ايرانيهك انتخابيله برنفر موقت اعضا بولنسنه

مساعده قلنه جقدر

ثامناً تبعه دولت عليهه تعلق ايتدرك منحصرأ
ايرانلر بينده تكون ايدجك هر نوع دعاوى
ونمازات كندو شهنديري معرفتيله تسويه
اولنه جقدر

تاسعاً تبعه ايرانيه اجنبى صفتنده بولنه جقلندن
تصرف املاك حقلرى اوله مز يسه ده بولنده
تصرف املاك ايتارى دوللى طرفندن مراد
اولنور ايسه بونك ايجون بر مقاوله مخصوصه
عقدينه دولت عليه موافقت ايدجكدر

عاشراً ايرانلوزك كندو شهنديريه اولان
منسوبيته مداخله اولنه جنى مثللو تبعه مرقومهك
شهنديريه تاديهه سنده مجبور اولدقلى رسومات
وتكاليفه حكومات محليه طرفندن مداخله
اولنه جقدر

حادى عشر تبعه ايرانيه دن برى دولت عليه
تابعيته كيرمك ايستز اسه بالجله تبعه اجنبيهه
شمولى اولان نظام مخصوصه تطبيقاً اقتضاي
اجرا اولنه جق و و اصولك خارجنده اوله رق
تبعه مرقومه دن هيج برى خلاف نظام دولت
عليه تابعيته قبول اولنه جقدر

ثانى عشر اشبو تعينامده تبعه ايرانيه حقلرنده
كوستريلان مساعداتك هر قغيسى ممالك ايرانيه ده
بولنان تبعه دولت عليه حقنه دريغ اولنه جق
اولور ايسه اول مساعداتك ممالك سلطنت سنيه ده
ممكن ايرانلوز حقنه دخی اجراسندن صرف
نظر اولنه جنى امر طبعى بولنشدر

محكمه لرده دعا وكالتى هر دوامده بر صنف معتبره
مخصوص اولوب بر كسه فن حقوق وقوانين
وسائر فنون متنوعه تحصيل ايله بالامتحان درجه
لياقتنه كوره شهادتنامه المدقجه بوصفنه داخل
اوله مديغندن شهادتنامه سى بولنان وكيلر حكومت

واهلان نظرنده مظهر حرمت و رعایت اولور
بزده ايسه دعا وكالتنه بولنانلرك اهليت وامنيه
ايله متصف اولنلرى ناهل ايله مخلوط واكثریت
ايجنده غائب اولدقلى ارباب قابليت ولياقت
بوسلكه دخول ورغبندن مجتنب اولور دعا
وكالتى ايسه حقوق ناسك اسباب و وسایط تأمیناتندن
اولديغى جهته سايه معدلتوايه حضرت ملوكانده ده
محاكم نظاميه جه بر طرفدن اجرا قلنه جده اولان
اصلاحات وتنظيمات متفرعات مهمه سندن اولق
اوزره اشبو وكيللرك دخی بر نظام تحينه ادخاليله هم
محاكمك وهمده اصحاب حقوقك تأمین معملاتى نرم
كورينه رك اولبايده ديوان احكام عدليه نظارت
جليله سنك استيدانى و شورای دولت ومجلس
مخصوص وكلا قرارى ايله متعلق وشرف صدور
بيوريلان امر وفرمان همايون حضرت پادشاهى
موجنبه ديوان مذكور دواى اعضاسندن
منتخب بعض ذواتدن مركب باب عاليه بر قوميسيون
تشكيل اولنشدر زبرده تحرير اولنان قرار نامه دن
اكلاشله جنى اوزره اشبو قوميسيونك وظينه اصليه سى
الحاله هذه محاكم نظاميه ده دعا وكالتى ايدنلرك جليله
امتحان وانخابلرينى اجرا واهليتلى تبين ايدجك
اولنلرينه شهادتنامه لر اعطا ايتك خصوصى اولوب
بولندن بويله سلك وكالته داخل اوله جقلر ايجون
صفات وشرايط لازمه قرار كير اولديغى مثللو وكيللرك
وظايف وحركاتى وفرعاتى حقنه بر نظامنامه دخی
قله التمهده بولنش اولديغندن وامر امتحان
وانخابه اشبو شهر جاذب الاخرهك يكرمى يدنجى
چهارشنبه كوفى شروع اولنه رق هفته ده ايكي
دفعه يعنى جمعه ايراسى و چهارشنبه كونلوزى
قوميسيون بواشله دوام ايدجكندن وتاريخ
اعلان اعتباراً نهايت درت ماه ختاسندن صكر
انتخاب قوميسيوننه كليان وشهادتنامه الميانلر وعند
الامتحان اثبات لياقت وامنيه ايدميانلر دعا

وكالتيله محاكمه قبول اولنه جقلندن بورازينك
اخطاريله برابر دعا وكالتى ايله مشغول اولنلرك
وصفت لازمه سنى حائز اوله رق به سلكه داخل
اولق استيانلرك ذكر اولنان كونلرده قوميسيونه
كلارى اعلان قلنور

محاكم نظاميه دعا وكيللرينك اصول انتخاب
وامتحانلرينه دائر قرارنامه در

ديوان احكام عدليه دائره سندن تشكيل اولنان
قوميسيون ذكر اولنان دعا وكيللرك هفته ده
ايكي كون يعنى جمعه ايرتسى و چهارشنبه كونلرده
امتحان وانخابلرينى اجرا ايله جقدر

دعا وكالتى ايجون قوميسيونه مراجعت ايدجك
اولنلردن سن رشده يعنى يكرمى برياشنه بالغ اولسانلر
ومحاكم مجالسده وسائر دواى رسميه ده مأمورى
اولنلر محازات ترزيليه و تهيه ايله محكمه حبس
ولنش بولنانلر و اظهار افلاس اعش اولدقلى تبين
يدنلر قبول اولنه جق ودعا وكالتنه مأذونيتى
حاوى شهادتنامه الهيه جقلدر

قوميسيونه جلب اولنه جق دعا وكيللرينك مطلقاً
تركيه اوقوب يازمغه و يا خود يالكر تركيه اوقومغه
مقتدر اوللرى و تركيه كتابتى اوليانلرك همه حال
ديكر برلسانده كتابته قادر اولسى مشروط
ايدوكندن قرائت و كتابت حقنه قوميسيون
بو اساسه كوره اجراى امتحان ايله جقدر

قوانين حقوقيه دولت عليهك احكامى اوزرينه
قوميسيونده ترتيب ايديله جك استلهه نوبتاً امتحانه
داخل اوله جق دعا وكيللرينك و ره جكلرى جوابلر
ضبط اولنوب بعض دعاوى مخصوصه اوزرينه
كندولرينك قوميسيون حضورنده ايجانه كوره
تجرباً بيان مطالعه ايتلرى دخی تكليف اولنه جقدر
دعا وكيللرينك سن ومملكه ومنشأ ومعلوماتلرينه
واحوال مخصوصه لرينه دائر قوميسيونده بر جدول
طوبيله رق امتحانك ختاينده جدول مذكور

نظارت احکام عدلیه به تقدیم قلعه جق و وکیلک
صنف و وظیفه نری قرار شد بر بله جقدر
تبعه اجنبیه دن اولان دعوا وکیلاری حقند
خارجیه نظارت جلیله سی ایله بالخبره و بر بله جک
قراره کوره قومیسونجه اتخاذ اولنه جق معامله
بشقه جه اعلان قلعه جقدر

محاکات جزایه دأره سندن و بریلان مضبطه
صورتیدر

از میر سنجاغنده واقع باندنر قصبه حاجی الیاس
نام کسینه ک قاتلی اولان اوغلی محمد حقنده اجرا
ایدیلان تدقیقات نظامیه و مرافعه شرعیه حاجی
ایدین ولایتک دیوان احکام عدلیه به حواله
بیوریلان ۲۳ محرم سنه ۸۹ تاریخی و اوئوز سکر
نومرولی تحریراتیله دیوان تمیز ولایت و مجلس
دعای قضا مضبطه نری و اعلام شرعی و اوراق
استنطاقیه محاکات جزایه دأره سندن مطالعه
قلندی

اوراق نظامیه مالک زنده سکسان سکر سنه سی
ربیع الاولک ایکنجی بازار ایرتسی کیجه سی مزبور
حاجی الیاس اوغلی محمد تفنک قورشونیه قتل
ایلدیکی ادعا اولنسی و کشف ایتدیرلده حاجی
الیاسک صاغ قاصغندن قورشونیه جرح اولنوب
باغرساقلری پاره لسه رق متأثراً وفات ایلدیکی
راپورت ایله بیان اولنسی اوزرینه تدقیقات
استنطاقیه به لدی الابدانر مرقوم محمد لیل مزبوره
خانه زنده پدری حاجی الیاس و انشته سی محمد افندی
و همشیره سی عایشه و اوکی والده سی امینه ایله برلکده
طعام ایدرلر ایکن انشته سی محمد افندی یمکدن
قالقوب او طه به کیدرک تفنکی الله الوب کندوسی
نه یاپورسن دهرک الندن المی اوزره ایکن تفنک
آتش المسیله برابر کندوسی فرار ایدرک چاره
کیدوب اوراده پدرنک اورلدیغی خبر الدیغی جهته

مقاد اشعاره نظراً مرقوم محمدک بروجه محرر پدری
حاجی الیاس تفنک قورشونیه تعداً جرح و قتل
ایلدیکی اخبارات واقعه و امارات موجوده ایله
تین ایلدیکنه و مذکور یوز یتمشنجی ماده قانونیه
برکسینه ک تعداً قاتل اولدیغی قانوناً تحقیق ایلر
ایسه قانوناً اعدامنه حکم اولنور دیومحرر بولندیغنه
مینی مرقوم محمدک بو حکم توفیقاً اعدامی ضمنده
اقتضا ایدن فرمان عالیک اصدار و با امر نامه
سامی ولایت مشار الیه یه تسیار بیورلسته قرار
و یرلدی اولباده

محاکات جزایه دأره سندن و بریلان مضبطه
صورتیدر

صماتیه جوارنده واقع اغاجامی قرینه میخانه جیلک
ایتمکده اولان روم ایلی قسطنینک قاتلی دنیلان
سابقه طالقندن و صماتیه ساکنلرندن اون سکر
یاشنده ارتین حقنده اجرا قلنان تدقیقاتی متضمن
جنایت دیوانک ۱۱ جاذی الاخر سنه ۸۹ تاریخی
و قرق نومرولی مضبطه سیله در سعادت مرکز
بذایت محکمه سی جزا دأره سی مضبطه سی و اوراق
استنطاقیه محاکات جزایه دأره سندن مطالعه
اولندی

اوراق مذکوره مالک زنده سکسان طقوز سنه سی
صفرینک یکریمی اوچنجی چهارشنبه کونی ساعت
ایکی یچق راده زنده مرقوم قسطنی مسکرات
صاتمده اولدیغی مغازه ده ایشیه مشغول ایکن
مرقوم ارتین کلوب قسطنیدن بادهوا عرق استمسی
وانک دخی ویرمامسی اوزرینه میانه زنده تحدث ایدن
منازعه اراسنده مرقوم ارتین بلنده بولنان سیاه
قبضه لی صغیر یحافله مزبور قسطنی بی صول
بوکرندن جرح ایدرک اول الله متأثراً وفات
ایلدیکی خبر ویرلسی و کشف ایتدیرلده صول
اولغندن اوچی سیوری آلت قاطعه الله جرح

سویلیه حکم دیمسیله زوجه سی محمد افندی سویله دیو
اصرار ایتش ایسه ده اج قارنه اولزدیو محمدک واقع
اولان افاده سی بیان ایدرک قتل مذکورک زوجی
محمد افندی ک افاده سی وجهه قرنداشی محمدن
صدور ایتدیکنی اخبار ایتلرینه و حاجی الیاسک
اوغلی محمدک بولندیغی کیجه ز خانه سندن یاقیوب
قومشورده قالدیغی جمله سی طرفلرندن بیان
اولندیغی کبی راضیه قادین بر صالی انخشیامی
خانه سنده کلدیکنده مرقوم محمدی اوراده کوروب
نه یایدک دیمسیله بر مقدار سکوت ایدرک نه یایدیغی
بنده بیلم دیدیکی جهته کیدوب حکومت خبر و برورک
طوتدیردیغی و تقولاکی دخی مزبور حاجی الیاس
خوفه تابع اوله رق اوغلی محمدک خانه سندن بولندیغی
کیجه زده اوینه کتوب قومشورده قالدیغی مثلاً
چند کیجه دخی کندو خانه سندن بولندیغی وقتک
وقوعی کیجه حکومت مأمورزیه حاجی الیاسک یاتنه
واردقلرنده بواشک اوله جغنی مقدما سونلش ایدم
بن وفات ایلدکن صکره محمدی دخی عبرت
ایچون ارقدن کوندرکز دیدیکی بیان ایتلرینه
نظراً مزبور محمدک بابایی حاجی الیاسک تعداً قتل
ایتمش اولدیغی اکلا شمله یوز یتمشنجی ماده قانونیه
توفیقاً اجرای مجازاتی استعمار و برقرارلدی التبلیغ
برکونه اعتراض اولدیغی اشعار اولمشدر

مال اعلام دخی اصالة و وصالة مدعی بولنان
امینه مدعی علیه مزبور محمدک انکارینه مقارن
تصدی ایلدیکی دعوی اثباتن اظهار عجز ایدوب
طلبیه مدعی علیه مزبور بالمواجهه بر نهج شرعی
تحلیف اولنمغین موجبجه دعوی مذکوره سیله
مدعی علیه مزبوره بلایینه معارضه دن منع
اولندیغی بیاندن عبارت اوغله بوصورته مدعی
اصیله ووصی مزبوره دعوی مذکوره سیله مدعی
علیه مرقومه بلایینه معارضیه قادر اوله میه جغنی
جانب فتواخانه دن ظهر اعلامه اشارت قلنشدن

واوراده بولان شریان کیر واورده قطع اوله رق
برچوق دم ضایع اواسنی تاثیرندن وفات ایلدیکی
ضبطیه سرطانی شدن راپورت ایله بیلدیلسی
اوزرینه تدقیقات استنطاقیه لدی الابتدار مرقوم
ارتین فعل جرح و قتلده مدخلی مصرأ انکار
ایتمش ایسه ده تکفور طاغلی درزی یورکی والی
مرمرلی درزی یاتقو نام کسمنلر مذکور مغازه ده
اوتوررلر ایکن مرقوم ارتین کلوب قسطنطنیه دن
عرق طلب ایدوب قسطنطنیه ویرمه جکلی بیان ایله
دونوب دستکاهک درونه دخول ایلده جکی ائاده
ارتین بروجه ادعا قسطنطنیه جرح ایلدیکی و قسطنطنیه
درحال ارتینی طوتوب روجه بنی یدی قوش ضبطیه
کتور دیسمیله ایچارندن درزی یورکی ضبطیه
خبر و یردیکی مع القسم منفرداً و وجاها اخبار
ایتمش و درزی استیلانوس و مغازه جی لغور
وقرنده قسطنطنیه نام کسمنلر دخی مغازه زنده
اوررلر ایکن قارشولنده بولان مغازه ده قسطنطنیه
امان بنی یدی دیو فریاد ایلدیکی ایشیدرک همان
مذکور مغازه ده واردقلنده قسطنطنیه مزبور ارتینی
طوتمش اولدیغنی کوردکاری و کندوسنی جرح
ایدن ارتین اولدیغنی سولیس جهته کندوزی
ارتینی دردت ایدرک والته اوروب بچاغی مغازه
درونه دوشورده رک ورود ایتش اولان ضبطیه
عربکیرلی احمد اونباشی ایله نفراتدن اسکوبلی
راغب واستانه لی محمده تسلیم ایتدکاری عین ایله
خبر و یرملینه و مرقوم احمد اونباشی ایله نفرات
مزبوره دخی جارح مرقومی اشخاص مرقومه نک
کندوزینه تسلیم ایتدکاری و بچاغک دخی مغازه
قیوسنک ایچ طرفنده بولندیغنی سولیلرینه و جارح
مرقومک نیتن و دیرلکندنه و مذکور بچاقده ائردم
بولمنسه نظرأ مرقوم ارتینک انکاری واهی اوله رق
فضیحه قتله جرائی ثابت اولدیغندن یوز یتش
دردنچی ماده قانونیه نک فقره اولیسی حکمجه

اون بش سنه مدته کورکه قولسی ورته نک
ورودنده مرافعه شرعیه نک دخی ایفاسی اشعار
اولمشدر
مقاد اشعاره نظرأ قتل مذکورک اثنای منازعه ده
من غیر تعمد مزبور ارتیندن صدور ایلدیکی اخبارات
واقع و انارات موجوده ایله تبیین ایتدیکنه و ذکر
اولان یوز یتش دردنچی ماده قانونیه نک فقره
اولیسنده برکیمه من غیر تعمد بر شخصی اتلاف ایتش
ایسه اون بش سنه مدته کورکه وضع اولنوردیو
محرر بولندیغنه مبنی مرقوم ارتینک بوحکم توفیقاً
و ابتدای توقیفی ایدوکی اراق مرقومه د. کوستریلان
سکسان طقوز سنه سی صفرینک یکریمی اوچنجی
کونندن اعتبارأ سنی اون سکز راده زنده بولندیغنی
جیتله بلاشهر اون بش سنه مدته حبسخانه
عمومیده کورکه قولسی ورته مقتولک در سعادتده
بولندقلری اوراق مرقومه مندرجاتندن مستفاد
اولدیغنی جهته بعده بالورود حقوق شخصیه
دعواسنده بولندقلری تقدیرده مرافعه شرعیه زینک
اجراسی ضمننده کیفیت شرع شریفه حواله
اولتیق اوزره یاب عالی به عرضحال تقدیم ایتلرینک
کندیلرینه تفهیم اولمنسی خصوصاً لرینک ضبطیه
مشیریت جلیله سنه امر و اشعار بیورلسنه قرار
ورلدی اولبابده

۱۱ ربيع الاول سنه ۹۰ تاریخیه تمیز
حقوق دائره سندن و یریلان مذکره
صورتیدر
حواله جمعیتک تمیز حقوق دائره سنه حواله
بیوریلان ۲۱ صفر سنه ۲۹۰ تاریخلی مذکره سیله
ملفوظ اوراق مطالعه قلندی
مذکره مرقومه نک خلاصه مالی یورغاک اندرینقونک
وارنه لی مخالاکیده اولان الاجفنه دائر دیوان
استینافدن اعطا قلنان اعلامک تمیزی ایچون

مخالاک طرفندن و یریلان کفیلک عدم اقتداری
یورغاک طرفندن ادعا اولمنسندن طولایی کفیت
محکمه تجارتده بارویه کفیل مرقومک کفالتی قبوله
شایان اوله میه جفنه قرار و یرلسنه مبنی دیگر کفیل
ارائه سی مخالاکیه تکلیف اولندقه محکمه تجارت
قرارینه اعتراض ایدرک اولبابده و یردیکی استیناف
استدعاسی دیوان استینافه حواله قلندیغنی حالده
مرقوم یورغاک جمعیه کله رک حواله جمعیه
نظامنامه سنک اون سکزنجی ماده سی موجبجه تمیز
ایچون ارائه اولان کفیلک عدم قدرتی ادعا و اثبات
اولندیغنی حالده تبدیلی لازم کلوب بنابرین بویه
قراررک استینافی جائز اوله میه جفنی ادعا ایلدیکندن
و اثبات قضیه سی محاکمه ده محتاج اوله رق جمعیتک
وظیفه سی ایسه بوکا مساعد اولدیغندن و باافرض
کفیلک قدراتسزلکی جمعیه مرکزبونه کتوریلرک
دیگرینک ارائه سی تکلیف اولنسه لاجل الاستیناف
بو باده قرارنامه اعطاسی دیگر طرفندن طلب اوله جفنی
امثالی دلالتیه مثبت اوله رق بویه قرارنامه اعطاسی
محاکمه عائد بولندیغندن بونک عمومی ایچون برقاعده
اتخاذیه برابر بوخصوص حقه نه دینک لازم
کله جکی بیان اولتیق اوزره کیفیتک حقوق دائره سنه
حواله سنی متضمندر

ایجابی لدی المذاکره مذکور اون سکزنجی ماده
موجبجه کفیلک عدم قدرتی ادعا و اثبات اولندیغنی
حالده تبدیلی لازم کلوب اثبات ماده سی ایسه مذکور
مذکوره ده کوسترلیدیکی وجهله محاکمه ده محتاج
اوله رق محاکمه دخی انحق محاکمه ده اجرا
اوله میله جکندن بویولده ظهور ایدن دعوالر
کا کان محاکدن برینه حواله سی اقتضا ایلده جکی کی
محاکدن درجه اولیده و یرله جک حکم و قراررک
احد طرفیندن اعتراض اولندیغنی حالده استینافی
دخی امر طبعی اولغله اولوجهله اجرای معامله
اولمنسی لزومه قرار و یرلدی

محاکات جزایه دائره سندن و یریلان
مضبوطه صورتیدر
صوفیه سنجاعنده واقع ازلا دی قضاسنه مضاف
پردوب قریه لی غورپو ولد اطامک قاتلی دنیلان
خاصکوی قضاسنه تابع باغملی قریه لی رنجبر بکر
بن دورمش ایله معینی بولان وارنه قضاسنه تابع
کیکچیلر قریه لی اون اتی یاشنده قره عثمان اوغلی
صالح حقلزده اجرا قلنان تدقیقات نظامیه
متضمن طونه ولایتک دیوان احکام عدلیه
حواله بیوریلان ۲۶ ربيع الآخر سنه ۷۹ تاریخلی
وایکوز یکریمی برنورولی نحریراتیه ذیلی دیوان
عمیز ولایتدن مصدق مجلس تمیز لوا مضبوطه سی
واوراق استنطاقیه محاکات جزایه دائره سندن
مطالعه اولندی

اوراق مذکوره مألزنده سکسان سکز سنه سی
صفرینک سکزنجی جمعیه ارسنی کونی نهارأ ساعت
طقوز راده زنده مرقوم غورپونک مذکور کیکچیلر
قریه سنه بر چاریک مسافه محله رعی اولان
یکیلرینک مرقومان بکر و صالحک سورمه کده
اولدیغنی ترلابه کیومسندن طولایی مرقومان ایله
بیلاننده تکیون ایدن منازعه ارسنده صالح صویه
و تپه ایله و بکر دخی یدنده بولان بالطه کوبکیسیله
مرقوم غورپوی ضرب ایدرک یکریمی ایکی
ساعت مرورنده متأراً وفات ایلدیکی استخار
اولمنسی و کشف ایتدیرلکده مرقومک ضرب
مذکوردن بتون وجودی اوزرنده و کوسکیسه
اموزرنده و قارنده بره ویک کیققلری کوریلرک
بانتأثر فوت اولدیغنی راپورت ایله خبر و یرلسی
اوزرینه تدقیقات استنطاقیه لدی الابتدار مرقوم
بکر صالح ایله برابر یوم مذکوره اخشامه قدر
مزبور ترلابه چفت سوروب اخشام اوزری سار
چفت سورون کوبلور ایله عودت ایلدیکی
و صالح دخی اول کون اوکله دن صکره برادری

ادم مقداری بعد مسافه سی اولدیغندن ماده
ضربی عیناً مشاهده ایدم مدیکنی درمیان ایللرینه
نظراً فعل ضرب وقتک منازعه ارسنده من غیر
نعمد مرقوم بکردن صدور ایتدیکی وصالک
دخی معین قاتل اولدیغی تین ایتش اولدیغندن
مرقوم بکرك یوز یتش دردیجی ماده قانونیه
حکمنه توفیقاً اون بش وصالک دخی قانون
مذکورک یوز یتش بشیجی ماده سنه تطبیقاً
اوج سنه مدله کورک قونلری استشار و جهت
شرعیه سنک دخی ورته نک جین ظاهرند اجرا
قلنه جینی اشعار اولمشدر

سیاق اشعاره نظراً مرقوم بکرك بالطه کویگیسیله
وصالحک صوپه و تپه ایلله مزبور غورپوی
ضرب ایلدکلی اخبارات و امارات ایلله ثابت
اولدیغنه و مقتول مرقومک بتون وجودیده
وبالخصوص کوسیه اوموزنده وقارنده دری
صیرقلری کوریلوب بوعلاماته کوره مرقومک وفاتی
شدید بر آلت ایلله ضرب اولمشندن نشأت ایلدیکی
راپورت مالندن منفهم اولسنه کوره مرقومک وفاتی
مزبور بکرك آلت جارحند اولان بالطه کویگیسیله
وقوعبولان ضربی آئیندن اولق لازم کلمه رک
هوحالده محلتک بکری قاتل وصالخی معین عد
المسی یوانده کورنش ایدوکنه و مارالذکر یوز یتش
دردیجی ماده قانونیه ده بر کیمسه من غیر نعمد
بشخصی اتلاف ایتش ایسه ده اون بش سنه
مدله کورک قونیلور و یوز یتش بشیجی ماده ده
دخی معین قاتل اولان کیمسه موقتاً کورک قونیلور
دیو محرر بولدیغنه مبنی مرقوم بکرك ماده اولی
حکمنه توفیقاً و تاریخ حبسی ایدوکی اوراق
مذکوره ده کوستریلان سکسان سکر سنه سی
صفرک اون برنجی کونین اعتباراً امر تشهیری
اون طفوزنجی ماده قانونیه ده مندرج قاعده
بعد التوفیق محلی قراری وجهله اون بش سنه

اسماعیل ایلله بکرك اغاسی قره احمد کلوب کندولرینی
کویه کونوروب ضرب اولنان آدمی سزیمی
دوکدیکز دیو سؤال ایتدکرنی بیان ایلله ماده
ضربده مدخل و معلوماتلرینی کلیاً انکار ایتش
ایسه زده اهلیدن قسطه اوغلی پتری قام کسنه
یوم مذکوره اوغلی پناپوتک وقوعبولان اخباری
اوزرینه قره زری مختاری محمد و اختیارلندن
خورشید و قره احمد ایلله برابر کیدوب مرقوم
غورپوی مضروباً یا تور کوروب ضاربینی
کندوسندن سؤال ایتدکرنده پناپوتک محل
مزبوره ده رعی ایتدکه اولدیغی حائنه ترلابه کیدن
کچیلرینی المق اوزره مرقوم ایلله برابر مذکور
ترلابه کتدکرنده صالح مرقوم پناپوته سب
و شتم ایدرک یندن بولنان صوپه ایلله برایی دفعه
ارومسی اوزرینه کندسی واز کچ حیوانلرینی
وبر بردها قاچر مز دیمسیله مرقوم صالح سب
و شتم ایدرک صوپه و تپه ایلله و بکرك دخی بالطه
کویگیسیله ضرب ایتدکرنی قبل الوفات بیان
ایلدیکی اخبار و مرقومون محمد و خورشید
قره احمد دخی مرقومک افاده واقعه سی مع التحلیف
تصدیق و تذکار ایتلرینه و مرقوم پناپوت نام چو جق
دخی مرقومان بکرك وصالک کندوسیه مزبور
غورپوی اولوجهله ضرب ایلدکاری صره ده
کندوسی قرار ایدرک غورپو کندوسنک کچیلرینی
اوکنه قاتوب کلورکن یقیلوب قالدیغنی و رفیق
مستان نام چو جق دخی یوم مذکوره رعی
ایلدکاری حیوانانک مرقومان بکرك وصالک
تولاسنه کیدرکلندن کیدوب کندوسنک حیوانلرینی
کتوره رک پناپوت دخی کندی حیوانلرینی
کتورمک اوزره غورپو ایلله کیدر ایکن پناپوت
یالکز اولدیغنی حالده کلوب بکرك وصالک
غورپوی ضرب ایتدکرنی سوبیلوب فقط
کندوسنک بولدیغنی محل ایلله موقع ضربک بک

مدله و دیده و مزبور صالحک دخی ماده ثانیه
حکمنه تطبیقاً و تاریخ مذکوره دن ابتدأ حداثت
سنی جهتیله بلاتشهر اوج سنه مدله محله ده
کورک قونلری و ورته ظهور ایدوب حقوق شخصیه
دعواسنه قیام ایلر ایسه اولخالده مرافعه لری اجرا
قلنسوی خصوصلرینک ولایت مشارک الیهامه امر
واشعار بیورلسنه قرار ویرلدی اولیابده امر
و فرمان

محاکات جزایه دائره سندن ویریلان مضبطه
صورتیدر

نیش سبباغنده واقع لسقوفجه قضاسنه تابع رادچه
قریه لی تیور بن بکناشه قتل قصدیه تشهیر سلاح
یلان برادری رامو حقتده اجرا قلنان تدقیقات
نظامیه یی متضمن برزین ولایتک دیوان احکام
عدایه حواله بیوریلان ۱۰ محرم سنه ۸۹ تاریخی
ویدی نومرولی تحریر ایلله دیوان تمیز ولایتدن
مصدق مجلس تمیز لوا مضبطه سی و اوراق
استنطاقیه محاکات جزایه دائره سنده مطالعه
اولندی

اوراق مذکوره ماللریده سکسان سکر سنه سی رجبک
برنجی کونی مرقوم تیور قرنداشی مزبور رامو و دیگر
قرنداشی متوفی وصالک مخدوملری عبد الحلیم
و ویریل ایلله برابر مشترکاً متصرف اولدقلری
چارک کیهلرینی طوپلارز ایکن بیلارنده تگون
ایدن منازعه یه مبنی اولاً مرقوم رامو و ثانیاً
اوغلی شریف مزبور تیورک اوزرینه قتل قصدیه
طیانجه ایتش ایسه زده قورشونلری اصابت ایتدیکی
و بومنازه یی بالاستماع قوشه رق یتشمش اولان
رامونک دیگر اوغلی حضرک انداخت ایلدیکی
طیانجه قورشونی تیورک صول قولتی التنه اصابتله
درحال وفات ایلدیکی زوجه سی مریم بنت قاسم
طرفندن ادعا اولمسی جهتیله تدقیقات استنطاقیه

لدی الابتدار مرقوم رامو یوم مذکوره کندوسی
سالف الذکر چاره بر قورشون منزلی مسافه ده بولنان
دیگر چارنده ایکن محل قتلده بری بری اردنجه
ایکی سلاح پاتلادیغنی ایشیدوب فقط چارله
مقتلک ارسه سی میشه لک اولدیغندن منازعه نک
صورت جریانی کوره ماش ایسه ده اوغلی حضر
سرعتله یانندن کچرک بابا بن تیوری اوردم دیدیکی
وانی متعاقب دیگر اوغلی شریف دخی فراراً اورایه
کلوب بیان حال ایلله کندوسیده برلکده
قاچوب برکیجه بالقانده یاندقلرینی بیان ایلله تشهیر
سلاح ماده سنده مدخل و معلوماتی کلیاً انکار ایتش
ایسه ده برادر زاده لری مرقومان عبد الحلیم و ویریل
منازعه مذکوره یه مبنی ابتدا مرقوم رامو و ثانیاً
اوغلی شریف مرقوم تیورک اوزرینه طیانجه اتوب
قورشونلرینک اصابت ایتدیکی و بونک اوزرینه
اورایه کلان مرقوم حضرک اندیغنی طیانجه
قورشونک اصابتیه مرقوم تیورک بالتأثر وفات
ایلدیکی مع الخلف منفرداً و مواجهه اخبار
ایتمارینه و مقتول ایلله میانه زنده عداوت بولدیغنی
رامونک تحت تصدیقه سنده اولدیغنی کبی تحقیقات
جاریه دن دخی اکلاشلسنه و رامونک بووقعه
اوزرینه فراره تصدی ایلله کلان قضاسنه تابع
موشیجه قریه سنده طوتلسنه نظراً اسکاری واهی
اوله رق تیورک اوزرینه قتل قصدیه ابتدا انک قتل
قصدیه طیانجه اتوب اصابت ایتدیره مدیکی محقق
ایتش اولدیغندن و مرقومان شریف ایلله قاتل حضر
فرار ایدرک اخذ و گرفت اولندقلرنده استنطاق
و محاکمه لری اجرا قلنه جغندن بحثله مرقوم رامونک
یوز سکسانجی ماده قانونیه علاوه سنه توفیقاً
اوج سنه مدله کورک قونلسی استشاره روحکم
مذکور کندوسنه تبلیغ اولدیغنی اشعار قلمشدر
مدلول اشعاره نظراً مرقوم رامونک قرنداشی
تیوره قتل قصدیه طیانجه اندیغنی حالده سبب مانع

حیلولتیه ماده قتل فعله چیقاره مدیغی اخبارات واقع و امارات موجوده ایله تین ایلدیکنه و مذکور بوزسکسانجی ماده قانونیه علاوه سنده مجرد قتل قصدیه سلاح چکونده بداختیارنده اولیان اسباب مانعه حیلولتیه ماده قتل فعله کتوره مامش ایدوکی تحقیق ایدلر وقت کورکه قونیلورنر دیو محرر بولندیغنه مبنی مرقوم رامونک بو حکمه توفیقاً و تاریخ حبسی ایدوکی اوراق مرقومه ده کوسریلان سکسان سکر سنه سی شعبانک اون دردنچی کونندن اعتباراً امر تشهیری اون طقوزنجی ماده قانونیه ده مرق قاعدیه بعدالتوفیق محلی فراری اوزره اوج سنه مدته مخلنده کورکه قونلیدی و بالاقدام فرارده بولنان مرقومان حضرو شریف دخی اخذ و گرفت اولنه رق استنطاق و محاکمه لرینک اجرا سله تین ایده جک درجه تهمینیه کوره ترتب ایدن مجازات قانونیه نک بالتعین حکمی مضبطه سنک اوراق استنطاقیه ایله برابر ارسال قلمسی خصوصاً سنک ولایت مشار الیهامیه امر و اشعار بیورلسنه قرار و یرادی اولیاده

محاکمات جزائیہ دهره سندن وریلان مضبطه

صورتیدر

نیش سنجاعنده واقع لسقوفجه قصبه لی قصاب کوقو ولد ملقونک قاتلی اولان قصبه مذکورلی یشارین احمد حقنده اجرا قتلان تدقیقات نظامیه و مرافعه شرعیه بی حاوی پرزین ولایتک وارد اولوب دیوان احکام عدلیه حواله بیوریلان ۵ ذی الحجه سنه ۸۸ تاریخلی و یوز اون ایکی نومرولی تحریراتیه دیوان تمیز ولایتدن مصدق مجلس تمیز لوا مضبطه سی و اعلام شرعی و اوراق استنطاقیه محاکمات جزائیہ دهره سنده مطالعه قلمدی

اوراق نظامیه مندرجاتنده کسان سکر سنه سی جازای الاولیسنک بشنجی بازار کونی مرقوم یشار قصیه مذکورده واقع و یونک یخانه سی اوکیده

یهودی یورخام و خدمتکاری رجب ایله برلکده اوتوروب لاجل الاشترادری صورته سی اوزرینه مرقوم کوقونک دری سزک قاریلر یکرده بولنور دیمسندن طولانی بینلرند تحث ایدن منازعه اره سنده مزبور یشار صغیر یحیاق ایله مرقوم کوقوبی بوش بوکرنندن جرح ایتسیله بالتأثر بر ساعت مرورنده وفات ایلدیکی مقتول مرقومک اوغلی قوله طرفندن ادعا اولنسی و کشف ایتدرلکده کوقونک صاغ جانبی بوش بوکری برینده صغیر یحیاق ایله جرح اولنه رق بالتأثر فوت اولدیغی اعلام قلمسی اوزرینه تدقیقات استنطاقیه لدی الابدان مرقوم یشار یوم مذکورده خانه سندن طیشارویه چقمدیغی بیان ایله فعل قتلده مدخلی انکار و بومدعاسنی مؤید اوله رق قریه سی اهالیسندن بهضاری جانندن وریلان ورقه مختومه بی اظهار انیش ایسه ده مرقوم یورخام مزبوران کوقو و یشار بیننده تحث ایدن منازعه نک منعی ضمنده رجب یشاری و کندوسی دخی کوقوبی طوتوب کیرو چکرز ایکن یشارک قورتیلوب کوقونک اوزرینه هجوم ایلدیکنده کندوزی صاوشده قلمی خبر و یروب بوقولی رجب دخی تصدیق ایتش وقصبه مذکورنی قوسطو و طوجه واستویان واستغان و دنجو و طوله نام کسندر طرفندن دخی مرقوم کوقونک وفاتی انتاج ایدن چرک بوجه ادعا مرقوم یشاردن صدوری عن مشاهدۃ الخلق اخبار اولنش و خبر مرقوملرک موثق الکلام اولدقلری خبر و یروب مذکور شهادتنامه ده مهری اولنلردن بعضاری مأل ورقه دن خبردار اولدقلری حالده تختم ایتدکاری دخی مخبر مرقوم طرفلرندن ایراد اولنسنه و تحقیقات سآریه نظراً ورقه مذکورنک شایان اعتماد اولدیغی اکلاشلش و مأل ورقه صحیح اولسه بیله مرقوم یشارک جرحی ایقاع ایله برابر کندوسنی یوم مذکورده قریه سنده بوناش کبی

کوسترمه که حال و مسافه موقع مساعد کورنش ایدوکندن مرقوم یشارک انکاری واهی اوله رق قتل مذکورک اثباتی منازعه ده و من غیر تعدد کندوسندن صدور ایلدیکی متین و ظاهر اولغه یوزتمش دردنچی ماده قانونیه موجبجه اون بش سنه مدته کورکه قونلیدی استشعار قلمشدر اعلام شرعی مأل دخی اصالة و کالة مدعی بولنان قوله مدعی علیه یشارک انکارینه مقارن تصدی ایلدیکی دعوائی اثباتدن اظهار عجز ایدب بالطلب مدعی علیه یشار بالواجهه برنج شرعی تحلف اولنمین موجبجه مدعی مرقوم دعوائی مذکورده سی مدعی علیه یشاره بلاینه معارضه دن منع اولدیغی بیاندن عبارت اووب بوصورنده ورثه قتل فیما بعد خصوص مذکورده مدعی علیه یشاره بلاینه معارضه یه قادر اولیه جقلری جانب فتوا خانه دن ظهر اعلام مذوره کو اشارت قلمشدر

مدلول اشعاره نظراً فعل قتلك اثباتی منازعه ده من غیر تعدد مرقوم یشاردن صدور ایتدیکی اخبارات واقع و امارات موجوده ایله تین ایلدیکنه و مذکور یوزتمش دردنچی ماده قانونیه نک فقره اولیسنده برکسه من غیر تعدد بر شخصی اتلاف ایتش ایسه اون بش سنه مدته کورکه وضع اولنور دیو محرر بولندیغنه مرقوم یشارک بر حکمه تطبیقاً و تاریخ توقیفی ایدوکی اوراق مرقومه مأللرندن اکلاشلان سکسان سکر سنه سی جمادی الاولیسنک بشنجی کونندن اعتباراً امر تشهیری اون طقوزنجی ماده قانونیه ده محرر اصوله بعدالتوفیق اون بش سنه مدته نیشده کورکه قونلیدی خصوصاً سنک ولایت مشار الیهامیه امر اشعار بیورلسنه قرار و یرادی اولیاده

محاکمات جزائیہ دهره سندن وریلان مضبطه

صورتیدر

کوتاهییه سنجاعنده واقع عشاق قضاسنه تابع نیاز

ناحیه سنه مضاف قزله سرود قریه سی خطیبی عبدالله افندیکنک قاتلی اولان قریه بوالق قریه لی اکدرلی اوغلی خلیل حقنده اجرا قتلان تحقیقات نظامیه و مرافعه شرعیه سی مشمل خداوندکار ولایتک دیوان احکام عدلیه حواله بیوریلان ربع الاخر سنه ۸۹ تاریخلی و یوز قرق بش نومرولی تحریراتیه دیوان تمیز ولایتدن مصدق مجلس تمیز لوا و مجلس دعاوی قضا مضبطه لی و اعلام شرعی و اوراق استنطاقیه محاکمات جزائییه دهره سنده مطالعه اولندی

اوراق نظامیه مألنده سکسان الی سنه سی شهر صفرینک اون اوچنجی کونی وقت عصرده خطیب عبدالله افندی ایله مزبور خلیلک قزله سرود قریه سی جوارنده کاتر حاجی حسین افندی دکرمانده خنطه اوکونک فوتندن طولانی میانه لرنده منازعه حدودیه جلیله طاش ایله خطیب مرقومک صاغ قولاغک ارقه سنه اورب بالتأثر وفات ایتدیکی ادعا اولنسی اوزرینه تدقیقات استنطاقیه لدی الابدان مرقوم خلیل یوم مذکورده بغدادی طبعن ایتک وزره دکرمانه کتدیکنی معترف ایسه ده حاجی حسین افندی دکرمانسه کتیبوب اخشام اوزری اورایه برنهایت ایکی ساعت مسافده بولنان چفتلک دکرمانسه کتدیکنی و کندوسنی اوراده واثای راهده قرقه لی چکه واکریمجلی اعیان احمد و قوجه اعیان اوغلی عثمان و بابار قریه لی ابراهیم نام کسندرک کورمش اولدقلری بیان ایله قتل مذکورده مدخلی انکار ایتش ایسه ده فضیحه قتله معلوماتی خبر وریلان احمد چاوش مرقومان عبدالله افندی و خلیل خنطه اوکونک فوتندن طولانی حسین افندی دکرمانده یکدیگریله منازعه ایدرلر ایکن و راده بولوب خلیله نصح ویند ایدرک بینلرینی تألیف ایله چیتوب کتدیکنی و دکرمانجی اوغلی علی دخی طوز کتورمک

اوزره قزلبه سگود قریه سنه کیدوب عودتده
مرقوم خلیل ذکر اولان دکرمانک اوست طرفدن
برطاش الهرق دکرمانه کیدیکنی متعاقب علی اغور
چیقوب فرار ایتدیکنی دکرمانه طوغری کلورکن
کورمکه مواصلتده دکرمانه دخول ایله عبدالله
افندی بی فنا حانده مجروح بولهرق کندوسندن
سؤال ایتدیکنده مرقوم خلیلک طاش ایله اوروب
فرار ایتدیکنی سونسله قریه مذکوریه کدرک
کهیا ابراهیم اخبار کیفیتله مرقوم دخی عبدالله
افندینک زوجه سی وقریه مزبوره ای اغلی
محمد واعیان حاجی مصطفی ایله برلکده دکرمانه
بالورود مرقوم عبدالله افندی بی ارقه زلیله کویه
کتورد کلرینی مع الخلف وجاهاً ومنفرداً اخبار
ایتدیکنه و ابراهیم کهیا واعیان اغلی حاجی
مصطفی اغلی محمد افاداتی دخی بومر کرده
دائر بولمسنه و حاجی افندی دکرمانه چفتک
دکرمانک بعد مسافه سی بر نهایت ایکی ساعت
اولدینی لیدی الاستغلام تحققتیسنه و مرقوم
خلیلک چفتک دکرمانه برکون اخشاموقتی
اگرچه کتدیکنی اخبار اولمش ایسه ده وقوعات
مذکوره کونی اولوب اولدینی اکلاشبله میهرق
مع مافیله فعل فتاک وقت عصرده وقوعه کلدیکنی
جهتله اخشامه قدر چفتک دکرمانه کیدیله یله جکی
دخی خبر ویرلمسنه نظراً مرقوم خلیلک انکاری
واهی اولهرق قتل مذکورک انشای منازعه ده
من غیر تعمد کندوسندن صدور ایتدیکنی تبین
ایلدیکندن یوزتمش دردنجی ماد قانونیه نک فقره
اولسنه توفیقاً اون بش سنه مدته کورکه قولمسی
استشعار اولمسی

اعلام شرعی مالی دخی مدعی وکیل مصطفی
دعوایه اقامه بنیه قادر اوله سیوب طلبله مدعی

علیه برنج شرعی تحلف اولمغین موجبیه مدعی
وکیل مدعی علیه بلایینه معارضه دن منع اولدینی
بیاندن عبارت اولوب انجق وراست ووکالته
شهادت ایدن شاهدان مقتول مرقومک زوجه سی رحی
حاتونک بابا و اناسی اسملرینی ذکر ایدرک شخص عارفان
اولدقزیننه تعرض اولمغیندن بشقه صغار ابراهیم
وشاکر و خدیجه ایچون اخر وصی نصیبیه
من علیه انقسامه دن قسامه و دین دعواسنه قیام ایدلک
لازم ایکن قسامه یه تعرض اولنماغله بوصورته
خصوص مذکورک سبکی موافق صک شرعی
اعلام ایله انها اولمسی لازم کله جکی جانب فتوا
خاندن ظهر اعلام مذکوره اشارت قلمشدر
مدلول اشعاره کوره قتل مذکورک منازعه
اره سنده فوران غضبیه من غیر تعمد مرقوم
خلیلدن صدو ایتدیکنی اخبارات واقعه و دلائل
موجوده ایله متحقق اولدیکنه و ذکر اولان یوزتمش
دردنجی ماده قانونیه نک فقره اولسنه برکسنه
من غیر تعمد بر شخصی اتلاف ایلش ایسه اون بش
سنه مدته کورکه وضع اونور دیو محرر
بولندیکنه بناء مرقوم خلیلک بو حکم توفیقاً
وتاریخ حبسی اولدینی اوراق مرقومه و ستریلان
سکسان الی سنه سی ربیع الاخرینک یکر یدنجی
کوندن اعتباراً امر تهمیری اون طقوزنجی کما ده
قانونیه ده مندرج اصوله بعد التوفیق محلی قرار
موجبیه اون بش سنه مدته حبس خانه عومیده
کورکه قولمق اوزره باب ضبطیه اعزامی وجهت
شرعیه سنک دخی فتواخانه اشارتنه توفیقاً تسویه سی
خصوصارینک ولایت مشارالیه و مرقومک حین
ورودنده اولوجهله کورکه وضعی جهتنک دخی
ضبطیه نظارت بهیه سنه امر و اشعار بیورلمسنه
قرار ویرلدی